



**Izvještaj o radu u oblasti međunarodne  
saradnje Internacionalnog univerziteta  
Travnik u Travniku za akademsku 2019/2020.  
godinu**

**Travnik, oktobar 2020. godine**

## **1. Strategija međunarodnje saradnje Internacionalnog univerziteta Travnik u Travniku**

Internationalni univerzitet Travnik u Travniku svojim radom i razvojnom strategijom jamči međunarodnu saradnju i mobilnost nastavnog osoblja i studenata. Kao privatna visokoškolska institucija, s dugoročnim pogledom na opstanak u danom okruženju, odlučna u namjeri da svojim studentima pruži znanja koja će im biti vodilja u karijeri, a ne samo osnovica za stjecanje zvanja, ima pred sobom težak zadatak – utoliko prije što bez ikakve društvene podrške nastoji da unese nove poglede u razvoj privrede i društva. Međunarodna saradnja zahtijeva od visokoškolske ustanove implementaciju međunarodnih i međukulturalnih obilježja u nastavni proces, istraživanja i prateće aktivnosti, a sve to s ciljem potpunog uključivanja univerziteta u regionalne, europske i svjetske tokove iz područja znanosti, transfera znanja i visokog obrazovanja.

Mobilnost i međunarodna saradnja predstavljaju jednu od ključnih područja strategije Europa 2020, a koji se prožimaju kroz tri inicijative u poglavlju obrazovanja. Također, drugim milenijumskim razvojnim ciljem, ali i u 4. poglavlju Programa održivog razvoja do 2030. ukazuje se na važnost obrazovanja i potrebu za njegovim daljnim razvojem. Shodno sa navedenim, Univerzitet nastoji da u okviru svojih mogućnosti, prati i inkorporira svjetske tekovine u vlastiti razvoj, ali i u njegovu inkluziju u društvo. Činjenica je da bh. obrazovni sistem može napredovati samo ukoliko je usklađen sa zahtjevima Europskog prostora visokog obrazovanja (EHEA) i Europskog istraživačkog prostora (ERA). Temeljem pomenutih dokumenta, ali i brojnih drugih, napravljena je Strategija razvoja Univerziteta iz koje proističe i Strategija za međunarodnu suradnju.

Strategija za međunarodnu suradnju sadržava temeljena načela međunarodne suradnje, viziju, misiju i ciljeve, kako ove strateške tako i one koje se odnose na međunarodnu suradnju. Međunarodna saradnja zahtijeva dvosmjernu komunikaciju, pa s toga traži da Univerzitet intenzivno razvija dugoročne međunarodne odnose koji su i koji će biti višestruko korisni kako za studente i nastavno osoblje tako i za društvenu zajednicu i cjelokupno okruženje Univerziteta. Međunarodna mobilnost doprinosi ostvarenju nekolicine ključnih ciljeva, kao što su: da se pruži pomoć zemljama u razvoju i zemljama u sponu da izgrade svoje kapacitete, da se generišu prihodi za privredu i sektor visokog obrazovanja, da se unaprijede nastavne i administrativne prakse visokoškolskih ustanova prateći međunarodne kriterije, učešće u međunarodnim tijekovima znanja te privlačenje ali i zadržavanje talentiranih studenata u područjima ekonomije i istraživanja zemlje domaćina.

Usaglašenost studijskih programa sa programima partnerskih institucija omogućava razmjenu studenata i priznavanje ispita zasnovanih na Europskom sistemu prenosa kreditnih bodova (ECTS). Također, za studente iz drugih zemalja nudit će se program redovnih studija, ali i program učenja na daljinu bit će prilagođen studentima a iz drugih zemalja. Mobilnost studenata je jedan od ključnih segmenata Bolonjskog načina izvođenja nastave, s toga Univerzitet potiče mobilnost studenata i promovira iskustva međunarodne razmjene te nastoji da poveća stopu razmjene studenata.

## **2. Međunarodni programi mobilnosti**

Mobilnost studenata, akademskog i neakademskog osoblja je jedan od ciljeva organiziranja visokoškolskog obrazovanja prema načelima bolonjskog procesa. Mobilnost pojedincu pruža iskustvo studiranja, rada i života u drugačijem akademskom, kulturnom i društvenom okruženju. Studije provedene na europskoj razini potvrđuju da pojedince s inozemnim iskustvom poslodavci smatraju donositeljima kvalifikacija i znanja koja pridonose konkurentnosti.

Nekoliko je programa koji su zasigurno najviše povezivali pojedince i institucije zemalja Zapadnog Balkana te doprinijeli provedbi reformi srodnih onima što su na partnerskim visokoškolskim institucijama zemalja članica Evropske unije postale standard. Programi kao što su Erasmus+, uveliko su doprinijeli internacionalizaciji Internacionalnog univerziteta Travnik u Travniku te provedbi reformi u skladu sa bolonjskim principima. Učešće u novom programu Erasmus+ doprinijelo je učvršćivanju međunarodne pozicije Univerziteta u evropskom prostoru visokog obrazovanja (EHEA).

U akademskoj 2019/2020. godini mobilnost nastavnika i saradnika odnosi se na Erasmus mobilnost, realizaciju mobilnosti posredstvom sporazuma o bilateralnoj saradnji kao i saradnja za inovacije i razmjenu dobre prakse ( Ključna akcija 2). Zbog Coronavirusa (COVID 19), globalne pandemije i lockdowna u cijelom svijetu, te kasnije restriktivnih mjera u zemljama Evropske unije, Erasmus mobilnost studenata je znatno umanjena u odnosu na prethodne akademske godine, dok mobilnost akademskog i neakademskog osoblja nije realizovana.

### **3. Izgradnja kapaciteta u visokom obrazovanju**

Smanjena mobilnosti studenata nadoknađen je kroz Erasmus projekat Ključne akcije 2: “Izgradnja kapaciteta u visokom obrazovanju”. Na početku 2020. godine počela je implementacija projekta pod nazivom “Razvoj magistarskih studijskih programa u oblasti ekološkog monitoringa i procjene kvaliteta vodenih resursa na ustanovama visokog obrazovanja u zemljama Zapadnog Balkana” (ECOBIAS).

Projektom koordinira Prirodno-matematički fakultet Univerziteta u Novom Sadu, a konzorcijum projekta čini ukupno 11 univerziteta iz pet zemalja. U ovom pozivu su univerziteti iz Srbije prvi put aplicirali kao programski univerziteti (Univerzitet u Novom Sadu i Univerzitet u Nišu), sa univerzitetima iz Hrvatske (Sveučilište u Zagrebu) i Njemačke (Universitaet Duisburg-Essen), a sa partnerskim univerzitetima iz Bosne i Hercegovine (Sveučilište u Mostaru, Internacionalni univerzitet Travnik, Univerzitet u Tuzli, Univerzitet u Sarajevu, Univerzitet u Istočnom Sarajevu i Univerzitet u Banjoj Luci) i partnerom iz Crne Gore Univerzitetom Donja Gorica.

Osnovni cilj projekta je akreditacija 27 master i kurseva cjeloživotnog učenja iz oblasti ekološkog monitoringa površinskih voda, te nabavka naučno-istraživačke opreme usmjerene za ekološki monitoring voda i opremanje sedam laboratorija na Univerzitetima u Bosni i Hercegovini i Crnoj Gori i uspostavljanje regionalne “ECOBIAS” akademske mreže. Tokom 2020. godine osoblje Internacionalnog univerziteta Travnik koje učestvuje u Ecobias projektu prisustvovalo je na nekoliko sastanka koji su održanu u sklopu projekta.

Internationalni univerzitet Travnik u Travniku 23.i 24.06.2020. godine bio je domaćin prvog menadžerskog sastanka u okviru Erasmus + projekta iz oblasti Izgradnje kapaciteta u visokom obrazovanju pod nazivom “Razvoj magistarskih studijskih programa u oblasti ekološkog monitoringa i procjene kvaliteta vodenih resursa na ustanovama visokog obrazovanja u zemljama Zapadnog Balkana (ECOBIAS). Na sastanku su dogovoreni akcioni planovi iz radnih paketa projekta, definisane su trening šeme za učesnike u projektu u prvoj fazi i dogovorene su detaljne specifikacije za opremu neophodnu za pokretanje master studija i kurseva cjeloživotnog učenja u oblasti ekološkog monitoringa kopnenih voda.

<https://iu-travnik.com/na-internacionalnom-univerzitetu-travnik-u-travniku-odrzan-prvi-menadzerski-sastanak-u-okviru-erasmus-projekta-ecobias/>

## 4. Međunarodne akademske mobilnosti

Kada je riječ o dolascima inostranih nastavnika i saradnika na Internacionalni univerzitet Travnik u Travniku i u akademskoj 2019/2020. godini najviše mobilnosti ostvareno je putem Erasmus+ programa.

Međunarodna saradnja se promovira kroz studijske posjete, zajedničke projekte, razmjene itd., sa regionalnim i međunarodnim visokoškolskim ustanovama. Sporazumi su potpisani uglavnom sa Univerzitetima te se saradnja može realizovati na više organizacionih jedinica Univerziteta.

Univerzitet ostvaruje saradnju i realizaciju potpisanih sporazuma kroz razmjenu studenata, nastavnog i administrativnog osoblja, kroz seminare, konferencije te javna i pozivna predavanja. Da bi se studenti i zaposleni na Univerzitetu podstakli na međunarodnu mobilnost napravljena je web stranica za Erasmus+ programa ( <http://erasmus.iu-travnik.com/index.php/en/> ).

Na ovoj web stranici mogu pronaći osnovne informacije o programu i pozivima za učešće u mobilnosti.

Također, na web stranici Univerziteta redovno se objavljuju članci o iskustvima i učešću studenata i zaposlenika u mobilnosti kako bi se promovisala mobilnost i prikazali primjeri dobre prakse. (<http://iu-travnik.com/category/vijesti/> )

Mobilnost je označena kao izrazito važan faktor u modernom pristupu obrazovanju, te Univerzitet shodno globalnom trendu po ovom pitanju nastoji da uspostavi programe koji će kroz privremeni boravak na drugim visokoškolskim institucijama omogućiti studentima sticanje znanja i vještina potrebnih za konkurentnost na tržištu rada.

Na osnovu ranije potpisanih Inter-institucionalnih ugovora između Internacionalnog univerziteta Travnik u Travniku (kao predstavnika partnerske zemlje) i Vilnius Gediminas Technical Univerziteta, Litvanija, (kao predstavnika programske zemlje) u akademskoj 2019/2020. godini realizovane su ukupno dvije Erasmus + mobilnosti.

### Odlazna mobilnost

- **Erasmus odlazna mobilnost studenata**

U odlaznoj mobilnosti u svrhu studijskog boravka na Vilnius Gediminas Technical University, Litvanija, u periodu od januara do juna 2020. godine sudjelovale su studentice Emina Selman i Mediha Đino (studentice treće godine Fakulteta politehničkih nauka Travnik u Travniku). Vijest o boravku studentica na Vilnius Gediminas Tehničkom Univerzitetu objavljena na zvaničnoj web stranici Internacionalnog univerziteta Travnik u Travniku.

<https://iu-travnik.com/studentice-fakulteta-politehnickih-nauka-travnik-u-okviru-erasmus-mobilnosti-boravile-na-vilnius-gedimino-technical-univerzitetu-u-litvaniji/>

- **Erasmus odlazna mobilnost nastavnog i nenastavnog osoblja**

Nastavno i administrativno osoblje ima mogućnost sudjelovati u Erasmus programu mobilnosti i to u svrhu održavanja nastave te stručnog i profesionalnog usavršavanja. U akademskoj 2019/2020. godini nije realizovana niti jedna odlazeća Erasmus mobilnost akademskog i neakademskog osoblja zbog lockdowna i epidemije uzrokovane Corona virusom.

## Dolazna mobilnost

- Erasmus dolazna mobilnost nastavnog i nenastavnog osoblja

Program dolazne mobilnosti za akademsko i nastavno osoblje na Internacionalnom univerzitetu Travnik u Travniku realizira se od 2016. godine. U akademskoj 2019/2020. godini, također zbog Corona virusa, nije realizovana niti jedna dolazna mobilnost akademskog i neakademskog osoblja.

**Tabela 1. Prikaz Erasmus+ odlazne/dolazne mobilnosti studenata, nastavnog i nenastavnog osoblja u akademskoj 2019/2020. godini**

Godina	Odlazna mobilnost studenata	Dolazna mobilnost studenata	Odlazna mobilnost nastavnog i nenastavnog osoblja	Dolazna mobilnost nastavnog i nenastavnog osoblja	Institucija	Ukupno za godinu
2019/2020.	2	-	-	-	Vilnius Gediminas Technical University	2
<b>Ukupno</b>	<b>2</b>	<b>-</b>	<b>-</b>	<b>-</b>		<b>2</b>

Na Internacionalnom univerzitetu Travnik u Travniku u akademskoj 2019/2020. godini realizovane su ukupno dvije (2) Erasmus mobilnosti i to odlazna mobilnost studenata. Po prvi put je ostvarena saradnja s Vilnius Gediminas Technical Univerzitetom i to u oblasti mobilnosti studenata. Osim pomenute Erasmus mobilnosti, na Internacionalnom univerzitetu Travnik u Travniku organizovana je i Ecobias sastanak, tako da su u akademskoj 2019/2020. godini realizovana ukupno tri (3) sporazuma što se može vidjeti u narednoj tabeli.

**Tabela 2. Prikaz realizovanih međunarodnih sporazuma u akademskoj 2019/2020. godini**

Godina	Broj realizovanih međunarodnih sporazuma	Institucija	Konferencija / sastanci / radionica/ Erasmus+ mobilnost studenata
2019/2020.	2	Vilnius Gediminas Technical University, Litvanija	Erasmus+ mobilnost studenata
	1	Partneri u projektu ECOBIAS	ECOBIAS menadgerski sastanak
		<b>Ukupno</b>	<b>3</b>

Izveštaj je izradila Služba za međunarodnu saradnju Internacionalnog univerziteta Travnik u Travniku